



## Universitätsbibliothek Paderborn

**Gabrielis Cossartii E Societate Iesv Orationes Dvae: I.  
Aduersus Nouitatem Doctrinae. II. Extemporalis defensio,  
aduersus Satiram Francisci Dumonstier**

**Cossart, Gabriel**

**Parisiis, 1651**

Excellentissimo Potentissimoqve Domino D. Francisco Hospitalio, ...

**urn:nbn:de:hbz:466:1-12233**



EXCELENTISSIMO  
 POTENTISSIMO QVE DOMINO  
 D. FRANCISCO  
**HOSPITALIO,**  
 COMITI DE ROSNAY,  
 EQVITI TORQVATO, FRANCIAE POLEMARCHO,  
 REGIO PER OMNEM CAMPANIAM  
 ET BRIAM LEGATO,  
**PARIORVM**  
 GUBERNATORI, &c.

*V&e te dies doctissimae ter-  
 rarum urbi præfecit, VIR  
 ILLVSTRIS SIME, eadem  
 doctrinas omnes clientes effecit tuas :  
 sed honorem tibi si nullæ deferrent*  
 A ij

## EPISTOLA.

artes, præcipuum tamen opella hæc  
nostra deberet. Fuit enim hæc, vel ip-  
sius felicitas, vel humanitas tua; ut  
te, vix orta, patronum, & quod  
minimè ambiisset, laudatorem inuene-  
rit. Nimirum quæ grata esse tibi à  
dicensis arte non poterat, argumento  
ipso placuit. De doctrinâ dicebam,  
quæ tibi domestica semper, atque in-  
ter arma ipsa contubernalis fuit: pu-  
gnabam pro antiquitate, quam &  
cognitione comprehensam habes, &  
moribus insigniter expressam: dispu-  
tabam de republicâ, in quâ eum obti-  
nes locum, quem tui, pro eius tuendâ  
& augendâ dignitate, labores, pu-  
gnæ, victoriæ meruerunt. Ita fiebat,  
ut cùm libens dicentem audires, pon-

EPISTOLA.

dus orationi nostræ tui nutus adderent; quæ nec arbitrum magis idoneum nancisci, nec honestiorem desiderare fautorem poterat. Exire itaque gestit in tuo nomine, quo veluti paterno gloriatur, ex quo tam benignè suscepisse visus es, & quasi ad optâsse nascentem. Neque verò tenuitatem excusat, aut quò minus se tibi consecret, exiguitate suâ deterretur; quæ quòd minima est, non ideo tibi minimum debet. Siuum enim Oceano vectigal non famosi tantùm amnes, sed etiam riuuli & exiles aquilæ pensitant. Adiri te ab eâ non grauatè feres, quam dum ipse tam comiter adiisti prior, beneficio prouocasti. Utinam autem, quantum no-

A iij

EPISTOLA.

bis aditu illo tuo decus attulisti; tan-  
tum hæc tibi, & tam illustre obser-  
uantiae nostræ monimentum referret!  
Sed cùm impar sit huic dissoluendo  
nomini, nedum expediendis aliis,  
quibus tibi sumus obstricti, haud  
paulò maioribus; quod potest unum,  
debiti professione fungetur.

A. T.

Addictissimus  
GABRIEL COSSARTIVS  
è Societate IESV.